

ПОСЛЕДОВАНИЕ МОЛЕБНОГО ПЕНИЯ В ПРАЗДНИК СВ. РАВНОАПОСТОЛЬНОГО КНЯЗЯ ВЛАДИМИРА И В ПАМЯТЬ КРЕЩЕНИЯ РУСИ.

Диакон: Благословѣ, Владѣко.

Иерей: Благословѣн Бог наш всегда, ныне и присно, и во веки веков.

Хор: Амѣнь.

Диакон: Слава Тебѣ, Божѣ наш, слава Тебѣ.

Хор: Царю Небесный, Утѣшителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРОПАРЬ НА БОГ ГОСПОДЬ, **ГЛАС 8:**

Диакон: Бог Господь, и явися нам, благословѣн Грядый во Имя Господне.

Стих 1: Исповѣдайтесь Господеву, яко благ, яко в век милость Его.

Хор глас 8: Бог Господь, и явися нам, благословѣн Грядый во Имя Господне.

(И далее на каждый стих)

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повѣм дела Господня.

Стих 4: Камень, Егже небрегоша зиждущи, Сей бысть во главу угла, от Господа бысть Сей, и есть дивен во очесех наших.

Хор:

Тропарь Живоначальной Троице, глас 8:

Благословѣн еси, Христѣ Божѣ наш, / Иже премудры ловцы явлей, / ниспослав им Духа Святаго, / и теми уловлей вселенную, / Человеколюбче слава Тебѣ.

Тропарь Всем святым, в Земли Русской просиявшим, глас 8:

Якоже плод красный Твоего спасительного сеяния, / Земля Русская приносит Ти, Господи, вся святые, в той просиявшия. / Тех молитвами в мире глубоче / Церковь и страну нашу Богородицею соблюди, Многомилостиве.

Тропарь Крещения Руси, глас 8:

Благословѣн еси, Христѣ Божѣ наш, / Землю Русскую Крещением просветивый, / людем ея низпослав Духа Святаго, / ихже и ко спасению приведый, / Человеколюбче, слава Тебѣ.

Тропарь равноап. кн. Владимиру, глас 4:

Уподобился еси купцу, ищущему добраго бисера, / славнодержавный Владимире, / на высотѣ стола сядя матери градов, богоспасаемаго Кіева: / испытуй же и посылая к Царскому граду увѣдети православную веру, / обрел еси безценный бисер – Христа, / избравшаго тя, яко втораго Павла, / и оттрясшаго слепоту во святей купели, / душевную, вкупе и телесную. / Темже празднуем твоѣ успение, / людие твой сущи, / моли спастися державы твоея Россійския начальником и множеству владомых.

Запевы:

Иерей: Пресвятая Троице, Божѣ наш, слава Тебѣ.

Хор: Пресвятая Троице, Божѣ наш, слава Тебѣ.

Иерей: Все святые земли нашей, молитѣ Бога о нас.

Хор: Все святые земли нашей, молитѣ Бога о нас.

Иерей: Святой равноапостольный великий княже Владимире, моли Бога о нас.

Хор: Святой равноапостольный великий княже Владимире, моли Бога о нас.

Иерей: Слава Отцу и Сыну и Святому Духу.

Хор: И ныне и присно, и во веки веков. Амѣнь.

ПРОКЇМЕН И ЕВАНГЕЛИЕ:

Диáкон: Прокїмен, **глас 4:** Вознесох избраннаго// от людєй Мойх.

Хор: Вознесох избраннаго// от людєй Мойх.

Воз - не - сох из - бран - на - го от лю - дей Мо - их.

Диáкон: Яко праведен еси о всех, яже сотвориши еси нам.

Хор: Вознесох избраннаго// от людєй Мойх.

Диáкон: Вознесох избраннаго.

Хор: От людєй Мойх.

Диáкон: Премудрость, прости, услышим святаго Евангелия.

Иерей: Мир всем.

Хор: И духови твоему.

Иерей: От Матфея святаго Евангелия чтение.

Хор: Слава Тебе, Господи, слава Тебе.

Диáкон: Вонмем.

Евангельское чтение дня (Мф. 13:44–54, зач. 55):

Иерей: Рече Господь притчу сию: подобно есть Царствие Небесное сокровищу сокроу на селѣ, еже обрет человек скры, и от радости его идет, и вся, елика имать, продаѣт, и купѣт селѣ то. Паки подобно есть Царствие Небесное человеку купцу, ищущу добрых бисеры, еже обрет един многоценен бисер, шед продаде вся, елика имаше, и купил его. Паки подобно есть Царствие Небесное неводу вверженоу в море и от всякаго рода собравшу, еже егда исполнися, извлекша и на край, и седше избраша добрых в сосуды, а злыя извергша вон. Тако будет в скончание века: изйдут Ангели, и отлучат злыя от среды праведных, и ввергут их в пещь огненную, ту будет плачь и скрежет зубом. Глагола им Иисус: разумѣсте ли сия вся? Глаголаша Ему: ей, Господи. Он же рече им: сего ради всяк книжник, научився Царствию Небесному, подобен есть человеку домовиту, еже износит от сокровища своего новая и ветхая. И бысть, егда сконча Иисус притчи сия, прейде оттуду. И пришед во отечество Свое, учае их на сонмищи их.

Хор: Слава Тебе, Господи, слава Тебе.

Запевы:

Иерей: Пресвятая Троице, Боже наш, слава Тебе.

Хор: Пресвятая Троице, Боже наш, слава Тебе.

Иерей: Все святые земли нашей, молитесь Бога о нас.

Хор: Все святые земли нашей, молитесь Бога о нас.

Иерей: Святой равноапостольный великий княже Владимире, моли Бога о нас.

Хор: Святой равноапостольный великий княже Владимире, моли Бога о нас.

Иерей: Слава Отцу и Сыну и Святому Духу.

Хор: И ныне и присно, и во веки веков. Аминь.

Хор: Достойно есть, яко воистину, блажити Тя, Богородицу, Присноблаженную и Пренепорочную и Матерь Бога нашего, Честнейшую херувим и Славнейшую без сравнения серафим, без истления Бога Слова рождающую, сущую Богородицу Тя величаем.

ЕКТЕНИЯ СУГУБАЯ:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. (Трижды на каждое прошение)

Еще молимся о Великом Господине и Отце нашем Святейшем Патриархе Кирилле, (и о Господине нашем Высокопреосвященнейшем митрополите (или: архиепископе, или: преосвященнейшем епископе имярек), и всей во Христе братии нашей.

Благодаряще со страхом и трепетом, яко раби непотребнии, Твоему благоутробию, Спасе и Владыко наш, Господи, о Твоих благодеяниях, яже излиыл еси на Землю нашу от Крещения ея и до ныне, и припадаем, и славословие Тебе, яко Богу, приносим, и умиленно вопием: избави от всех бед люди Твоя и всегда, яко Милостив, исполни во благих прошения наша, прилежно молимся Тебе, услыши и помилуй.

Еще молимся Тебе, Спасителю нашему, чрез благовернаго князя Владимира благоволившему избрати род наш в наследие Свое и в купели Крещения даровати Духа Святаго, о еже Церковь нашу Святую от расколов и нестроений соблюсти, и в единомыслии веры ея утвердити, и миром оградити, услыши и помилуй.

Еще молимся Тебе, Господи Вседержителю, о еже призрети и утвердити виноград сей, егже насади и сохрани от всех наветов вражиих десница Твоя; и в предняя лета даруй наследию Твоему мир и безмятежие, да не умалится и не поколеблется Русь Святая, юже избрал еси в жилище Себе, да славится Трисвятое Имя Твое, услыши и помилуй.

Давый заповедь Твою нам, еже любить Тебе, Бога нашего, и ближняго своего, сотвори, да ненависти, вражды, обиды и прочая беззакония прекратятся, истинная же любовь да царствует в сердцах наших, молим Ти ся, Спасителю наш, услыши и милостивно помилуй.

Иерей: Услыши ны, Боже, Спасителю наш, упование всех концев земли и сущих в мори далече, и милостив, милостив буди, Владыко, о гресех наших, и помилуй ны. Милостив бо и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Хор: Аминь.

Диакон: Господу помолимся.

Хор: Господи, помилуй.

Иерей читает молитву:

Триипостасный Боже, Отче Вседержителю, Сыне Единородный, Спасителю мира, и Душе Святой, просвещающей и освящающей племена и народы! Иже и владыку Земли Русския, князя Владимира, к свету истинныя веры наставивый, и тем всю страну нашу Крещением просветивый, и сонмом святых, яко пресветлым звездам, небо Церкви наша украсившим, возсияти даровавший! И нам, смиренным и недостойным чадам их, ныне предстоящим славе Твоей и благодарственное молебное пение приносящим в сей **[тысящелетный]** день Крещения Руси, великую милость даровавший, еже славить, хвалить и благодарение приносить Тебе за вся благодеяния, бывшая на Руси от лет древних и до ныне. Призри на ниву Твою, Церковь Святую, на страны и народы, преимущественно восприявша веру православную из единой купели Крещения в водах днепровских и ныне приносящих Тебе, якоже прекрасный плод спасительнаго сеяния Слова Твоего, лики святых. Тии бо послужаши людям своим верою, надеждою и любовью, образом слова и жития указующе нам путь к совершенству по заповеди Христовой: будите убо совершени, яко же и Отец ваш Небесный совершен есть.

Сохраняюще сие святое наследие их, молимся Ти, Жизнодавче: спаси и помилуй нас, мир миру Твоему даруй и всему созданию Твоему, егже по грехом нашим сыны века сего погубити тщатся. Вемы бо, яко не хочещи смерти грешников, но еже обратится и живым им быти; призри на нас, во гресех пребывающих, отврати гнев Твой, праведно движимый на ны, даруй нам покаяние и Твоим неизреченным милосердием помилуй нас. Приими молитвы и труды наша о умножении любви среди всех людей мира сего. Землю нашу огради, власти умудри, вся утеша и умири, Церковь Твою возрасти, достояние Твое соблюди, мужи и жены, и младенцы благодатию просвети, и вся люди Твоя в Православии и благочестии утверди молитвами Пречистой Владычицы нашей Богородицы и Приснодевы Марии, силою Честного и Животворящего Креста и Всех святых, в Земли нашей просиявших, да в единении веры и любви славим Тя, Отца и Сына и Святого Духа, во веки веков.

Хор: Аминь.

Духовенство: Величаем тя, / святыи [великий] равноапостольный княже Владимире, / и чтим святыю память твою, / идола поправшаго // и всю Российскую землю святым Крещением просветившаго.

Хор: Величаем тя, / святыи [великий] равноапостольный княже Владимире, / и чтим святыю память твою, / идола поправшаго // и всю Российскую землю святым Крещением просветившаго.

Диакон: Премудрость.

Иерей: Пресвятая Богородице, спаси нас.

Хор: Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Иерей: Слава Тебе, Христэ Боже, упование наше, слава Тебе.

Хор: Слава Отцу и Сыну и Святому Духу, и ныне и присно, и во веки веков. Аминь. Господи, помилуй (Трижды). Благослови.

Иерей: творит отпуст.

Диакон: Великому господину и отцу нашему Кириллу, Святейшему Патриарху Московскому и всея Руси и Свято-Троицкого Сергиевы Лавры священноархимандриту, богохранимей стране нашей, властью, воинству и народам ея, всему освященному собору, благочестия ревнителем и учителем, и всем во Православии Земли нашей подвижающимся словом, писанием, учением и богоугодным житием, и всем православным христианом — многая лета.

Хор: Многая лета (Трижды).